

**BOSNA I HERCEGOVINA
FEDERACIJA BOSNE I HERCEGOVINE
JU "KANTONALNI CENTAR ZA SOCIJALNI RAD"
S A R A J E V O**

**IZVJEŠTAJ O POSLOVANJU – IZVJEŠTAJ O RADU I FINANSIJSKOM
POSLOVANJU JU „KANTONALNI CENTAR ZA SOCIJALNI RAD“ ZA
2021. GODINU**

Sarajevo, april, 2022. godine

**BOSNA I HERCEGOVINA
FEDERACIJA BOSNE I HERCEGOVINE
JU "KANTONALNI CENTAR ZA SOCIJALNI RAD"
S A R A J E V O**

**IZVJEŠTAJ O RADU
JU "KANTONALNI CENTAR ZA SOCIJALNI RAD",
ZA 2021. GODINU**

Sarajevo, april, 2022. godine

IZVJEŠTAJ O IZVRŠENJU PROGRAMA RADA JU « KANTONALNI CENTAR ZA SOCIJALNI RAD », ZA 2021. GODINU

I UVODNI DIO

JU „Kantonalni centar za socijalni rad“ Sarajevo (u daljem tekstu Centar) je jedna od ustanova u sistemu socijalne zaštite u Kantonu Sarajevo, osnovana od strane Skupštine Kantona Sarajevo 1997. godine, mada historijat i kontinuitet rada Centra seže 63 godine unazad, od osnivanja prvog Centra za socijalni rad u Bosni i Hercegovini, 1958. godine u općini Centar Sarajevo.

U skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“ broj 23/21 i 52/21), sačinjen je Izvještaj o radu JU „Kantonalni centar za socijalni rad“ za 2021. godinu.

Izvještaj je urađen na osnovu postignutih rezultata rada, analize realizacije Programa rada za 2021. godinu, kao i na osnovu praćenja pojava, stanja i potreba korisnika te u skladu sa istim preduzetih intervencija.

Trenutno, Centar je višefunkcionalna ustanova od posebnog društvenog interesa, u čijem se sastavu nalazi osam službi socijalne zaštite općina, koje svojom djelatnošću pokrivaju područje Kantona Sarajevo, odnosno devet općina, zajedno sa Službom za pravne poslove i koordinaciju, Službom za računovodstvene poslove, Službom za opšte poslove, edukaciju i saradnju sa međunarodnim i domaćim organizacijama, Službom za hraniteljstvo i Službom za primjenu odgojnih preporuka i odgojnih mjera.

Od navedenih organizacionih jedinica, u funkciju još uvijek nije stavljena Služba za primjenu odgojnih preporuka i odgojnih mjera.

Na temelju javnih ovlaštenja, zakonskih propisa, Centar, kroz funkcionisanje multidisciplinarnih timova koje čine socijalni radnici, pedagozi, psiholozi, pravnici a po potrebi i stručnjaci drugih profila, ima za cilj da doprinosi izgradnji zajednice pružanjem mjera i usluga socijalne i porodično pravne zaštite svojim građanima, sa svim svojim mogućnostima i kapacitetima.

Svi postignuti rezultati uglavnom se temelje na profesionalnosti, predanosti i često dodatnoj angažovanosti radnika Centra, a dostignuti nivo obavljanja poslova iz nadležnosti Centra je obezbjeđen kroz postojeću unutrašnju organizaciju rada i uspostavljenu metodologiju rada, te se može konstatovati da se postavljeni radni zadaci kontinuirano izvršavaju.

Po odgovarajućim kategorijama korisnika, Centar je u 2021. g. intervenisao sa 80371 mjerom, usluga i oblika pomoći za 32051 korisnika. (Tabela broj 2.).

II NORMATIVNI DIO

U 2021. godini doneseni su sljedeći normativni akti:

1. Naziv propisa koji se donosi: Pravila o izmjenama Pravila javne ustanove „Kantonalni centar za socijalni rad“

Predlagač: JU „Kantonalni centar za socijalni rad“- Direktor

Organ koji donosi: Upravni odbor Centra,

Rok za izradu općeg akta: Po potrebi,

Organ koji razmatra: Upravni odbor Centra, Ministarstvo za rad, socijalnu politiku, raseljena lica i izbjeglice

Kratak sadržaj općeg akta: Pravila JU „Kantonalni centar za socijalni rad“ su izmjenjena na način da je u popis Službi ustanove uvrštena i novoformirana Služba za opšte poslove, edukaciju i saradnju sa međunarodnim i domaćim organizacijama. Također je izvršeno usklađivanje naziva Službe za pravne poslove, koordinaciju i informisanje i Službe za računovodstvene i opšte poslove, sa novim nazivima kako je to definisano Pravilnikom o radu ustanove (Služba za pravne poslove i koordinaciju i Služba za računovodstvene poslove). Brisana je član 43.Pravila, a isti je predviđao mogućnost da se direktor nakon isteka mandata ili razrješenja može rasporediti na odgovarajuće radno mjesto u Centru shodno njegovom stepenu stručne spreme određene vrste zanimanja, ukoliko postoji slobodno sistematizovano radno mjesto. Budući da navedena odredba nije u skladu sa Zakonom o radu i Uredbom, izvršeno je brisanje člana 43.Pravila.

2. Naziv propisa koji se donosi: Pravilnik o izmjenama i dopunama Pravilnika o zaštiti na radu

Predlagač: JU „Kantonalni centar za socijalni rad“- Direktor

Organ koji donosi: Upravni odbor Centra,

Rok za izradu općeg akta: Po potrebi,

Organ koji razmatra: Upravni odbor Centra, Ministarstvo za rad, socijalnu politiku, raseljena lica i izbjeglice

Kratak sadržaj materijala: Izvršeno je usklađivanje Pravilnika o zaštiti na radu u skladu sa odredbama novog Zakona o zaštiti na radu („Službene novine FBiH“, broj 79/20), kojim su uređena prava, obaveze i odgovornosti radnika JU „Kantonalni centar za socijalni rad“ u oblasti zaštite i zdravlja radnika na radu, u cilju stvaranja sigurnih uvjeta rada, a kojima se obezbjeđuje sigurnost na radu, sprječavanje i otklanjanje opasnosti i štetnosti koje mogu prouzrokovati povrede na radu, profesionalna i druga oboljenja i oštećenja zdravlja radnika na radu, a radi zaštite zdravlja i radne sposobnosti radnika.